

## HAMABIGARREN ORDENANTZA FISKALA

### **AUTO-TAXIENTZAKO LIZENTZIA ETA BAIMEN ADMINISTRATIBOAK EMATEAGATIK DAGOEN TASA**

#### **I. ARRAZOIA ETA IZAERA**

##### **1. Artikulua.-**

Bizkaiko Lurralde Historikoko 5/89 Foru Arauak, ekainaren 30ekoak, horrek arautzen baititu Toki Ogasunak, emandako ahalmenak erabiliz, Udal honek, autotaxiei buruzko eta alokatzen diren gainontzeko ibilgailuei buruzko lizentzia ematean partzehartzen duelako arrazoiz, Tasa dauka ezarrita.

#### **II. ZERGAPEKO EGITATEA**

**2. Artikulua.-** Hurrengo kontzeptuok egitate zergagarria osatzen dute:

- 1.- Lizentzia eman eta egitea.
- 2.- Lizentzia besterenganatzeko baimena, legalki bidezkoa bada.
- 3.- Gida-baimena ematea.

#### **III. ZERGA ORDAINTEZKO OBLIGAZIOA.**

**3. Artikulua.-** Zerga ordaintzeko obligazioa sortzen da:

- 1.- A eta C Lizentziak eman eta egiteagatik.
- 2.- Lizentziak inorenganatzegatik.

#### **IV. SUBJEKTU PASIBOA.**

**4. Artikulua.-**

- 1.- Lizentziak eman eta egiten direnean, zeinen mesedetan ematen diren kontuan hartuta, haren titularitatea duena.
- 2.- Lizentziak inorenganatzzen direnean, inorenganatzze hori zeinen mesedetan egiten den kontuan izanik, pertsona hori.

#### **V. TARIFA.**

**5. Artikulua.-** Ordenantza honetan barne sartzen diren Zerga-tasaren tarifak, ondorengoak dira:

|                                     |          |
|-------------------------------------|----------|
| 1.- Lizentzia ematea                | 1.318,00 |
| 2.- Lizentzia besterentzeko baimena | 1.318,00 |
| 3.- Gidariaren baimena ematea       | 33,00    |

#### **VI. HOBARIAK.**

**6. Artikulua.-** Kuoten %50eko hobaria izango dute, transmisioak ezkontideen artean edo lehen graduko arbasoen edo ondorengoaren artean egiten direnean.

**7. Artikulua.-**

- a).- Ordainarazpena sortua dagoela ulertuko da, Ordenantza honetako 2. artikuluan ezarrita dagoenari jarraiki, zerga ordaintzeko obligazioa sortzen denean.
- b) Kuotak, ikuskatzailletza ihardueratik datoztenak ere barne direla, Funtsen Diruzaintzan eskudirutan ordainduko dira, dagokion Lizentzia hartzean.

**8. Artikulua.-** Autotaxiaren lizentzia lortu nahi duen pertsona interesatuak, dagokion eskaria Udaletxean, aurkeztu beharko du, hurrengo zehaztapan honekin:

- 1.- Lizentziari datxekion ibilgailuaren matrikula.
- 2.- Izen-deiturak.
- 3.- N.A.N. edo I.F.K.
- 4.- 2 argazki.
- 5.- Helbidea.
- 6.- Lizentziaren objektua, (lizentzia berria, inorenganatzea, etab.)
- 7.- Jarduera Ekonomikoei buruzko Zergari dagozkionetan, alta emanda egotea.
- 8.- Medikuen egiaztagiria.

Udalak Lege eta Erregelamenduetan ezagutzen zaizkion ahalmenak, bereziki, beretzat gordetzen ditu, Udal Ordenantza Teknikoak eta arlo horretan orokorki aplikagarri diren xedapenak betetzeko helburuz, Lizentzien ukapena egiteko orduan.

Behin Lizentzia jaso eta ordaindutakoan, interesatuek erabiltzeari utzi egiten dionean funtsezko arrazoiak tarteko, ordainketaren egunetik aurrera 30 laneguneko epean idatziz eskatu ahal izango du, % 80aren itzulketa. Lizentzia jaso gabe eta ordaindu gabe uko egingo balitzaio nahiz isilbidez nahiz esanbidez, edozeinetara ere, kitaturiko eskubideen % 20a kobratuko da.

## **VII. ARAU-HAUSTEAK ETA ZEHAPENAK.**

**9. Artikulua.-** Iruzurgile bezala hartuko dira eta beraz Ordenantza guztietako xedapen arruntetan ezarritako preskripzioen arabera zigortuak izango dira, hurrengo hauek.

- a) Ibilgailuaren jabeak.
- b) Beren eskubideen gaineko ordainketa saihestu edo gutxitzeko asmoz edozein motatako egintzak edo ez-egiteak egingo lituzketenak.
- c) Lizentzia eskatzen ez denean erantzunkizunean jauziko da, eta kasu horretan, kuotaren % 100koari dagokion zehapena jarriko zaio.
- d) Suerta daitezkeen gainontzeko hausteak, Ordenantza Fiskal Orokorrean ezarritako moduan zehatuko dira.
- e) Zehapena jartzeak ez dio kalterik eragingo, jadanik sorturik eta preskribitu gabe dauden kuoten likidazioa eta kobrantza egiteari.

**10. Artikulua.-** Ordenantza honetan eta Udal Ordenantza Teknikoan aurrikusi gabeko guztian, Ordenantza Fiskal Orokorra izango da aplikagarri.

## **VIII.- XEDAPEN GEHIGARRIA ADMINISTRAZIOEN ARTEKO ELKARRERAGINGARRITASUNA**

1. Administrazio Publikoen Administrazio Prozedura Erkidearen 39/2015 Legeak 28. artikuluan ezartzen duenez, dagoeneko administrazio jardulearen esku dauden edo beste edozein administrazio egin dituen dokumentuak ez aurkezteko eskubidea dute interesdunek. Basauriko Udalaren zerbitzu/sail eskudunak elektronikoki kontsultatu edo bildu ahal izango ditu dokumentu horiek, datuen bitartekotza-plataformen edo horretarako gaitutako beste sistema elektronikoko batzuen bidez. Arrazoi teknikoak direla eta elkarreragingarritasuna ezinezkoa bada, izapideak egiteko behar diren dokumentuak aurkezteko eskatu ahal izango zaio interesdunari.

2. Zilegi da datu pertsonalen tratamendua egitea, interes publikoaren aldeko eginkizun bat betetzean edo Basauriko Udalarik emandako botere publikoak gauzatzean, Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamenduaren 6.1 e) artikuluan aurreikusitako baldintzetan. Datuak minimizatzeko printzipioarekin bat etorriz, datu egokiak, beharrezkoak eta ezinbestekoaren neurrira mugatuak bakarrik eskatuko dira, datu horiek tratatzeko helburuen arabera (DBEO, 5.1.c artikulua).

### **AMAIERAKO XEDAPENA**

Ordenantza hau behin betiko onetsi da, eta egin zaizkion aldaketekin batera, 2008ko urtarrilaren 1ean indarrean sartuko da, eta indarrean egongo da, hori aldatu edo indargabetzea erabaki arte.

*(Udalbatzaren erabakiz aldatua, 2008ko irailaren 25ean, 2011eko azaroaren 11ean, 2012eko azaroaren 19ean, 2017ko urriaren 26ean osoko bilkuran, 2018ko urriaren 25eko osoko bilkuran, 2019eko urriaren 30ean osoko bilkuran eta 2022ko urriaren 27an osoko bilkuran.)*